

金剛般若波羅蜜經

南无大悲觀世音菩薩！（三稱）

千手千眼觀世音菩薩廣大圓滿無礙大悲心陀羅尼

（三遍）

南无喝啰怛那。哆啰夜耶。南无阿唎耶。婆盧羯帝
烁钵啰耶。菩提萨哆婆耶。摩诃萨哆婆耶。摩诃迦盧尼
迦耶。唵萨皤啰罚曳。数怛哪怛写。南无悉吉栗埤。伊
蒙阿唎耶。婆盧吉帝室佛啰楞驮婆。南无那啰谨墀。醯
利摩诃皤哆沙咩。萨婆阿他豆输朋。阿逝孕。萨婆萨哆
那摩婆萨哆。那摩婆伽摩罚特豆。怛姪他。唵。阿婆盧
醯。盧迦帝。迦啰帝。夷醯唎。摩诃菩提萨埵。萨婆萨
婆。摩啰摩啰。摩醯摩醯。唎驮孕。俱盧俱盧。羯蒙。
度盧度盧。罚闍哪帝。摩诃罚闍哪帝。陀啰陀啰。地唎
尼。室佛啰耶。遮啰遮啰。摩摩罚摩啰。穆帝嚩。伊醯
伊醯。室那室那。阿啰唎。佛啰舍利。罚沙罚唎。佛啰
舍耶。呼盧呼盧摩啰。呼盧呼盧醯利。娑啰娑啰。悉唎
悉唎。蘇嚧蘇嚧。菩提夜。菩提夜。菩驮夜菩驮夜。弥
帝唎夜。那啰谨墀。地利瑟尼那。婆夜摩那。娑婆诃。
悉陀夜娑婆诃。摩诃悉陀夜。娑婆诃。悉陀喻艺。室皤
啰耶。娑婆诃。哪啰谨墀娑婆诃。摩啰那啰娑婆诃。悉
啰僧。阿穆佉耶娑婆诃。娑婆摩诃阿悉陀夜。娑婆诃。

者吉啰阿悉陀夜娑婆诃。波陀摩羯悉哆夜。娑婆诃。那
啰谨墀幡伽啰哪。娑婆诃。摩婆利胜羯啰夜娑婆诃。南
无喝啰怛那。哆啰夜哪。南无阿唎哪。婆嚧吉帝。烁皤
啰夜。娑婆诃。唵悉殿都。漫哆啰跋陀耶。娑婆诃。

南无甘露王菩萨摩訶萨！（三称）

南无般若会上佛菩萨！（三称）

般若波啰蜜哆心经（三遍）

观自在菩萨，行深般若波啰蜜哆时，照见五蕴皆空，
度一切苦厄，舍利子，色不异空，空不异色，色即是空，
空即是色，受想行识，亦复如是，舍利子，是诸法空相，
不生不灭，不垢不净，不增不减，是故空中无色，无受
想行识，无眼耳鼻舌身意，无色声香味触法，无眼界，
乃至无意识界，无无明，亦无无明尽，乃至无老死，亦
无老死尽，无苦集灭道，无智亦无得，以无所得故，菩
提萨埵，依般若波啰蜜哆故，心无罣碍，无罣碍故。无
有恐怖，远离颠倒梦想，究竟涅槃。三世诸佛，依般若
波啰蜜哆故，得阿耨哆啰三藐三菩提，故知般若波啰蜜
哆，是大神咒，是大明咒，是无上咒，是无等等咒，能
除一切苦，真实不虚，故说般若波啰蜜哆咒，即说咒曰，
揭谛揭谛 波啰揭谛 波啰僧揭谛 菩提萨婆诃。

拔一切业障根本得生净^{du}土陀罗尼（三遍）

南无阿弥多婆夜。哆他伽多夜。哆地夜他。阿弥利都婆毗，阿弥利哆，悉耽婆毗。阿弥唎哆，毗迦兰帝。阿弥唎哆。毗迦兰多。伽弥膩，伽伽哪。枳多迦利，娑婆诃。

香赞

炉香乍爇，法界蒙熏，诸佛海会悉遥闻，随处结祥云，诚意方殷，诸佛现全身。

南无香云盖菩萨摩訶萨！（三称）

净口业真言

唵，修唎修唎，摩诃修唎，修修唎，萨婆诃。

净意业真言

唵，嚩日啰怛诃贺斛。

净身业真言

唵，修多唎，修多唎，修摩唎，修摩唎，娑婆诃。

净三业真言

唵，娑嚩婆嚩秫驮，娑嚩达摩娑嚩，娑嚩秫^{duó}度憾。

安土地真言

南无三满哆，母驮喃，唵，度噜度噜地尾萨婆诃。

普供养真言

唵，誝誝曩，三婆嚩，伐日啰斛。

奉请八金刚

奉请 青除灾金刚

奉请 辟^{pì}毒 金刚

奉请 黄随求金刚

奉请 白净水金刚

奉请 赤声火金刚

奉请 定持灾金刚

奉请 紫贤 金刚

奉请 大神 金刚

奉请四菩萨

奉请 金刚眷菩萨

奉请 金刚索菩萨

奉请 金刚爱菩萨

奉请 金刚语菩萨

发愿文

稽^{qǐ}首三界尊

皈依十方佛

我今发宏愿

持此金刚经

上报四重^{zhòng}恩

下济三涂苦

若有见闻者

悉发菩提心

尽此一报身

同生极乐国

云何梵

云何得长寿

金刚不坏身

复以何因缘

得大坚固力

云何於此经

究竟到彼岸

愿佛开微密

广为众生说

南无本师释迦牟尼佛！（三称）

开经偈

无上甚深微妙法，百千万劫难遭遇，

我今见闻得受持，愿解如来真实义。
南无^{qí}祇园会上佛菩萨！（三称）

金刚般若波罗蜜经
姚秦^{zàng}三藏^{jiū}法师鸠摩罗什 译

法会因由分第一

如是我闻。一时佛在舍卫国，祇^{qí}树^{jǐ}给孤独园。与大比丘众，千二百五十人俱。尔时，世尊食时，著^{zhuó}衣持钵，入舍卫大城乞食。於其城中，次第乞已，还^{huán}至本处。饭食^{qì}讫，收衣钵，洗足已，敷^{fū}座而坐。

善现启请分第二

时长老须菩提，在大众中，即从座起，偏袒^{piāntǎn}右肩，右膝^{zhuó}著地，合掌恭敬，而白佛言。希有世尊，如来善护念诸菩萨，善付嘱诸菩萨。世尊，善男子，善女人，发阿耨^{nòu}多罗三藐^{miǎo}三菩提心。云何应住。云何^{xiáng}降伏其心。佛言，善哉善哉。须菩提，如汝所说。如来善护念诸菩萨，善付嘱诸菩萨。汝今谛听，当为汝说。善男子，善女人，发阿耨^{nòu}多罗三藐^{miǎo}三菩提心，应如是住，如是^{xiáng}降伏其心。唯然，世尊。^{yào}愿乐欲闻。

大乘正宗分第三

佛告须菩提，诸菩萨摩訶萨，应如是^{xiáng}降伏其心。所有一切众生之类，若卵生，若胎生，若湿生，若化生，

若有色，若无色，若有想，若无想，若非有想，非无想，
我皆令入无余涅槃而灭度之。如是灭度无量无数无边众
生，实无众生得灭度者。何以故。须菩提，若菩萨有我相，
人相，众生相，寿者相，即非菩萨。

妙行无住分第四

复次，须菩提，菩萨於法，应无所住，行於布施。
所谓不住色布施，不住声，香，味，触，法布施。须菩
提，菩萨应如是布施，不住於相。何以故。若菩萨不住
相布施，其福德不可思量。须菩提，於意云何，东方虚
空，可思量不。不也，世尊。须菩提，南，西，北方，
四维上下虚空，可思量不。不也，世尊。须菩提，菩萨
无住相布施，福德亦复如是不可思量。须菩提，菩萨但
应如所教住。

如理实见分第五

须菩提，於意云何，可以身相见如来不。不也，世
尊，不可以身相得见如来。何以故。如来所说身相，
即非身相。佛告须菩提，凡所有相皆是虚妄，若见诸
相非相，即见如来。

正信希有分第六

须菩提白佛言，世尊，颇有众生，得闻如是言说章
句生实信不。佛告须菩提，莫作是说。如来灭后，后五

百岁，有持戒修福者，於此章句，能生信心，以此为实。当知是人，不於一佛，二佛，三四五佛而种善根，已於无量^{liàng}千万佛所种诸善根。闻是章句，乃至一念生净信者，须菩提，如来悉知悉见，是诸众生，得如是无量福德。何以故。是诸众生，无复我^{xiàng}相，人^{xiàng}相，众生^{xiàng}相，寿者^{xiàng}相，无法^{xiàng}相，亦无法^{xiàng}相。何以故。是诸众生，若心^{xiàng}取^{xiàng}相，则为著^{zhuó}我，人，众生，寿者。若取法^{xiàng}相，即著^{zhuó}我，人，众生，寿者。何以故。若取非法^{xiàng}相，即著^{zhuó}我，人，众生，寿者。是故，不应取法，不应取非法。以是义故，如来常说，汝等比丘，知我说法，如筏喻者。法尚应舍，何况非法。

无得无说分第七

须菩提，於意云何。如来得阿耨^{nòu}多罗三藐^{miǎo}三菩提耶。如来有所说法耶。须菩提言，如我解佛所说义，无有定法，名阿耨^{nòu}多罗三藐^{miǎo}三菩提。亦无有定法，如来可说。何以故。如来所说法，皆不可取，不可说，非法非非法。所以者何。一切贤圣，皆以无为法而有差别。

依法出生分第八

须菩提，於意云何。若人满三千大千世界七宝，以用布施，是人所得福德，宁^{nìng}为多不^{fǒu}。须菩提言，甚多，世尊。何以故。是福德即非福德性，是故如来说福德多。

若复有人，於此经中受持乃至四句偈等，为他人说。其福胜彼。何以故。须菩提，一切诸佛，及诸佛阿耨多罗三藐三菩提法，皆从此经出。须菩提，所谓佛法者，即非佛法。

一相无相分第九

须菩提，於意云何，须陀洹能作是念，我得须陀洹果不。须菩提言，不也，世尊。何以故。须陀洹名为入流，而无所入。不入色，声，香，味，触，法，是名须陀洹。须菩提，於意云何。斯陀含能作是念，我得斯陀含果不。须菩提言，不也，世尊。何以故。斯陀含名一往来，而实无往来，是名斯陀含。须菩提，於意云何。阿那含能作是念，我得阿那含果不。须菩提言，不也，世尊。何以故。阿那含名为不来，而实无不来，是故名阿那含。须菩提，於意云何。阿罗汉能作是念，我得阿罗汉道不。须菩提言，不也，世尊。何以故。实无有法，名阿罗汉。世尊，若阿罗汉作是念，我得阿罗汉道。即为著我，人，众生，寿者。世尊，佛说我得无诤三昧，人中最为第一，是第一离欲阿罗汉。世尊，我不作是念，我是离欲阿罗汉。世尊，我若作是念，我得阿罗汉道，世尊则不说须菩提是乐阿兰那行者。以须菩提实无所行，而名须菩提是乐阿兰那行。

庄严净土分第十^{dù}

佛告须菩提，於意云何。如来昔在燃灯佛所，於法有所得^{fǒu}不^{fú}。不也，世尊。如来在燃灯佛所，於法实无所得。须菩提，於意云何，菩萨庄严^{dù}佛土^{fǒu}不^{fú}。不也，世尊。何以故。庄严^{dù}佛土者，即非庄严，是名庄严。是故须菩提，诸菩萨摩诃萨，应如是生清净心，不应住色生心^{bù}，不应住声，香，味，触，法生心，应无所住而生其心。须菩提，譬如^{pì}有人，身如须弥山王，於意云何，是身为大^{fǒu}不^{bù}。须菩提言，甚大，世尊。何以故。佛说非身，是名大身。

无为福胜分第十一

须菩提，如恒河中所有沙数，如是沙等恒河。於意云何。是诸恒河沙，宁^{nìng}为多^{fǒu}不^{fú}。须菩提言，甚多，世尊。但诸恒河，尚多无数，何况其沙。须菩提，我今实言告汝，若有善男子，善女人，以七宝满尔所恒河沙数三千大千世界，以用布施，得福多^{fǒu}不^{fú}。须菩提言，甚多，世尊。佛告须菩提，若善男子，善女人，於此经中，乃至受持四句偈等，为他人说，而此福德胜前福德。

尊重正教分第十二

复次，须菩提，随说是经，乃至四句偈等，当知此处，一切世间天人阿修罗，皆应供养，如佛塔庙。何况有人，尽能受持读诵。须菩提，当知是人，成就最上第

一希有之法。若是经典所在之处，即为有佛，若尊重弟子。

如法受持分第十三

尔时，须菩提白佛言，世尊，当何名此经，我等云何奉持。佛告须菩提，是经名为金**刚**般**若**波**罗**蜜，以是名字，汝当奉持。所以者何。须菩提，佛说般**若**波**罗**蜜，即非般**若**波**罗**蜜，是名般**若**波**罗**蜜。须菩提，於意云何。如来有所说法**不**。须菩提白佛言，世尊，如来无所说。须菩提，於意云何。三千大千世界所有微尘，是为多**不**。须菩提言，甚多，世尊。须菩提，诸微尘，如来说非微尘，是名微尘。如来说世界，非世界，是名世界。须菩提，於意云何，可以三十二相见如来**不**。不也，世尊，不可以三十二相得见如来。何以故。如来说三十二相，即是非相，是名三十二相。须菩提，若有善男子，善女人，以恒河沙等身命布施。若复有人，於此经中，乃至受持四句偈等，为他人说，其福甚多。

离相寂灭分第十四

尔时，须菩提闻说是经，深解义趣，涕泪悲泣，而白佛言。希有世尊，佛说如是甚深经典，我从昔来所得慧眼，未曾得闻如是之经。世尊，若复有人得闻是经，信心清淨，则生实相。当知是人，成就第一希有功德。

世尊，是实相者，即是非相，是故如来说名实相。世尊，我今得闻如是经典，信解受持，不足为难。若当来世，后五百岁，其有众生，得闻是经，信解受持，是人即为第一希有。何以故。此人无我相，无人相，无众生相，无寿者相。所以者何。我相即是非相。人相，众生相，寿者相，即是非相。何以故。离一切诸相，即名诸佛。佛告须菩提，如是如是。若复有人得闻是经，不惊，不怖，不畏，当知是人，甚为希有。何以故。须菩提，如来说第一波罗蜜，即非第一波罗蜜，是名第一波罗蜜。须菩提，忍辱波罗蜜，如来说非忍辱波罗蜜，是名忍辱波罗蜜。何以故。须菩提，如我昔为歌利王割截身体。我於尔时，无我相，无人相，无众生相，无寿者相。何以故。我於往昔节节支解时，若有我相，人相，众生相，寿者相，应生瞋恨。须菩提，又念过去於五百世，作忍辱仙人。於尔所世，无我相，无人相，无众生相，无寿者相。是故，须菩提，菩萨应离一切相，发阿耨^{nòu}多罗三藐^{miǎo}三菩提心，不应住色生心，不应住声，香，味，触，法生心，应生无所住心。若心有住，即为非住。是故佛说菩萨心不应住色布施。须菩提，菩萨为利益一切众生故，应如是布施。如来说一切诸相，即是非相。又说一切众生，即非众生。须菩提，如来是真语者，实语者，如语

者，不诳语者，不异语者。须菩提，如来所得法，此法无实无虚。须菩提，若菩萨心住於法而行布施，如人入暗，则无所见。若菩萨心不住法而行布施，如人有目，日光明照，见种种色。须菩提，当来之世，若有善男子，善女人，能於此经受持读诵，即为如来以佛智慧悉知是人，悉见是人，皆得成就无量无边功德。

持经功德分第十五

须菩提，若有善男子，善女人，初日分以恒河沙等身布施，中日分复以恒河沙等身布施，后日分亦以恒河沙等身布施，如是无量百千万亿劫以身布施。若复有人，闻此经典，信心不逆，其福胜彼，何况书写受持读诵，为人解说。须菩提，以要言之，是经有不可思议，不可称量，无边功德。如来为发大 ^{shèng}乘者说，为发最上 ^{shèng}乘者说。若有人能受持读诵，广为人说，如来悉知是人，悉见是人，皆得成就不可量，不可称，无有边，不可思议功德。如是人等，即为荷担如来阿耨多罗三藐三菩提。^{hè dān} ^{nòu} ^{miǎo}何以故。须菩提，若乐小法者，^{yào} ^{zhuó}著我见，人见，众生见，寿者见，则於此经，不能听受读诵，为人解说。须菩提，在在处处，若有此经，一切世间天人阿修罗，所应供养。当知此处，则为是塔，皆应恭敬，作礼围绕，以诸华香^{huā}而散其处。

能净业障分第十六

复次，须菩提，善男子，善女人，受持读诵此经。若为人轻贱，是人先世罪业应堕恶道。以今世人轻贱故，先世罪业，则为消灭，当得阿耨多罗三藐三菩提。须菩提，我念过去无量阿僧祇劫，於燃灯佛前，得值八百四千万亿那由他诸佛，悉皆供养承事，无空过者。若复有人，於后末世，能受持读诵此经。所得功德，於我所供养诸佛功德，百分不及一，千，万，亿分，乃至算数譬喻所不能及。须菩提，若善男子，善女人，於后末世，有受持读诵此经。所得功德，我若具说者，或有人闻，心即狂乱，狐疑不信。须菩提，当知是经义不可思议，果报亦不可思议。

究竟无我分第十七

尔时，须菩提白佛言，世尊，善男子，善女人，发阿耨多罗三藐三菩提心，云何应住，云何降伏其心。佛告须菩提，善男子，善女人，发阿耨多罗三藐三菩提心者，当生如是心，我应灭度一切众生，灭度一切众生已，而无有一众生实灭度者。何以故。须菩提，若菩萨有我相，人相，众生相，寿者相，即非菩萨。所以者何。须菩提，实无有法，发阿耨多罗三藐三菩提心者。须菩提，於意云何，如来於燃灯佛所，有法得阿耨多罗三藐三菩

提^{fǒu}不。不^{fú}也，世尊，如我解佛所说义，佛於燃灯佛所，
无有法得阿耨^{nòu}多罗三藐^{miǎo}三菩提。佛言，如是如是，须菩
提，实无有法，如来得阿耨^{nòu}多罗三藐^{miǎo}三菩提。须菩提，
若有法，如来得阿耨^{nòu}多罗三藐^{miǎo}三菩提者，燃灯佛则不与
我授记，汝於来世当得作佛，号释迦牟尼。以实无有法，
得阿耨^{nòu}多罗三藐^{miǎo}三菩提，是故燃灯佛与我授记，作是言，
汝於来世当得作佛，号释迦牟尼。何以故。如来者，即
诸法如义。若有人言，如来得阿耨^{nòu}多罗三藐^{miǎo}三菩提。须
菩提，实无有法，佛得阿耨^{nòu}多罗三藐^{miǎo}三菩提。须菩提，
如来所得阿耨^{nòu}多罗三藐^{miǎo}三菩提，於是中无实无虚，是故
如来说一切法，皆是佛法。须菩提，所言一切法者，即
非一切法，是故名一切法。须菩提，譬^{pì}如人身长^{cháng}大。须
菩提言，世尊，如来说人身长^{cháng}大，即为非大身，是名大
身。须菩提，菩萨亦如是，若作是言，我当灭度无量众
生，即不名菩萨。何以故。须菩提，实无有法，名为菩
萨。是故佛说一切法，无我，无人，无众生，无寿者。
须菩提，若菩萨作是言，我当庄严佛土^{dù}，是不名菩萨。
何以故。如来说庄严佛土者，即非庄严，是名庄严。须
菩提，若菩萨通达无我法者，如来说名真是菩萨。

一体同观分第十八

须菩提，於意云何，如来有肉眼不^{fǒu}。如是，世尊，

如来有肉眼。须菩提，於意云何，如来有天眼不。如是，
世尊，如来有天眼。须菩提，於意云何，如来有慧眼不。
如是，世尊，如来有慧眼。须菩提，於意云何，如来有
法眼不。如是，世尊，如来有法眼。须菩提，於意云何，
如来有佛眼不。如是，世尊，如来有佛眼。须菩提，於
意云何，如恒河中所有沙，佛说是沙不。如是，世尊，
如来说是沙。须菩提，於意云何，如一恒河中所有沙，
有如是沙等恒河，是诸恒河所有沙数佛世界，如是宁为
多不。甚多，世尊。佛告须菩提，尔所国土中，所有众
生，若干种心，如来悉知。何以故。如来说诸心，皆为
非心，是名为心。所以者何。须菩提，过去心不可得，
现在心不可得，未来心不可得。

法界通化分第十九

须菩提，於意云何。若有人满三千大千世界七宝，
以用布施，是人以是因缘，得福多不。如是，世尊，此
人以是因缘，得福甚多。须菩提，若福德有实，如来不
说得福德多，以福德无故，如来说得福德多。

离色离相分第二十

须菩提，於意云何，佛可以具足色身见不。不也，
世尊，如来不应以具足色身见。何以故。如来说具足色
身，即非具足色身，是名具足色身。须菩提，於意云何，

如来可以具足诸相见^{fǒu}不^{fú}。不也，世尊，如来不应以具足诸相见。何以故。如来说诸相具足，即非具足，是名诸相具足。

非说所说分第二十一

须菩提，汝勿谓如来作是念，我当有所说法，莫作是念。何以故。若人言，如来有所说法，即为谤佛，不能解我所说故。须菩提，说法者，无法可说，是名说法。尔时，慧命须菩提白佛言，世尊，颇有众生，於未来世，闻说是法，生信心^{fǒu}不。佛言，须菩提，彼非众生，非不众生。何以故。须菩提，众生众生者，如来说非众生，是名众生。

无法可得分第二十二

须菩提白佛言，世尊，佛得阿耨多罗三藐三菩提^{nòu miǎo}，为无所得耶。佛言，如是如是。须菩提，我於阿耨多罗三藐三菩提^{miǎo}，乃至无有少法可得，是名阿耨多罗三藐三菩提^{nòu miǎo}。

净心行善分第二十三

复次，须菩提，是法平等，无有高下，是名阿耨多罗三藐三菩提^{miǎo}。以无我，无人，无众生，无寿者，修一切善法，即得阿耨多罗三藐三菩提^{nòu miǎo}。须菩提，所言善法者，如来说即非善法，是名善法。

福智无比分第二十四

须菩提，若三千大千世界中，所有诸须弥山王，如是等七宝聚，有人持用布施。若人以此般若波罗蜜经，乃至四句偈等，受持读诵，为他人说，於前福德，百分不及一，百千万亿分，乃至算数譬喻所不能及。

化无所化分第二十五

须菩提，於意云何，汝等勿谓如来作是念，我当度众生。须菩提，莫作是念。何以故。实无有众生如来度者。若有众生如来度者，如来即有我，人，众生，寿者。须菩提，如来说有我者，即非有我，而凡夫之人以为有我。须菩提，凡夫者，如来说即非凡夫，是名凡夫。

法身非相分第二十六

须菩提，於意云何，可以三十二相观如来不。须菩提言，如是如是，以三十二相观如来。佛言，须菩提，若以三十二相观如来者，转轮圣王，即是如来。须菩提白佛言，世尊，如我解佛所说义，不应以三十二相观如来。尔时世尊而说偈言。

若以色见我 以音声求我
是人行邪道 不能见如来

无断无灭分第二十七

须菩提，汝若作是念，如来不以具足相故，得阿耨多

罗三藐三菩提。须菩提，莫作是念，如来不以具足相故，
得阿耨多罗三藐三菩提。须菩提，汝若作是念，发阿耨多
罗三藐三菩提心者，说诸法断灭，莫作是念。何以故。
发阿耨多罗三藐三菩提心者，於法不说断灭相。

不受不贪分第二十八

须菩提，若菩萨以满恒河沙等世界七宝，持用布施。
若复有人，知一切法无我，得成於忍，此菩萨胜前菩萨
所得功德。何以故。须菩提，以诸菩萨不受福德故。须
菩提白佛言，世尊，云何菩萨不受福德。须菩提，菩萨
所作福德，不应贪著，是故说不受福德。

威仪寂静分第二十九

须菩提，若有人言，如来若来若去，若坐若卧，是
人不解我所说义。何以故。如来者，无所从来，亦无所
去，故名如来。

一合理相分第三十

须菩提，若善男子，善女人，以三千大千世界碎为
微尘，於意云何。是微尘众，宁为多不。须菩提言，甚
多，世尊。何以故。若是微尘众实有者，佛即不说是微
尘众。所以者何。佛说微尘众，即非微尘众，是名微尘
众。世尊，如来所说三千大千世界，即非世界，是名世
界。何以故。若世界实有者，即是一合相。如来说一合

相，即非一合相，是名一合相。须菩提，一合相者，即是不可说。但凡夫之人，贪^{zhuó}著其事。

知见不生分第三十一

须菩提，若人言，佛说我见，人见，众生见，寿者见。须菩提，於意云何，是人解我所说义不。^{fǒu}不也，世尊，是人^{fú}不解如来所说义。何以故。世尊说我见，人见，众生见，寿者见，即非我见，人见，众生见，寿者见，是名我见，人见，众生见，寿者见。须菩提，发阿耨多^{nòu}罗三藐^{miǎo}三菩提心者，於一切法，应如是知，如是见，如是信解，不生法相。须菩提，所言法相者，如来说即非法相，是名法相。

应化非真分第三十二

须菩提，若有人以满无量阿僧^{qí}祇世界七宝，持用布施。若有善男子，善女人，发菩提心者，持於此经，乃至四句偈等，受持读诵，为人演说，其福胜彼。云何为人演说。不取於相，如如不动。何以故。

一切有为法 如梦幻泡影

如露亦如电 应作如是观

佛说是经已，长老须菩提，及诸比丘，比丘尼，优婆塞^{sè}，优婆夷，一切世间天人阿修罗，闻佛所说，皆大欢喜，信受奉行。

金剛般若波羅蜜經

南无大悲觀世音菩薩！（三稱）

千手千眼觀世音菩薩廣大圓滿無礙大悲心陀羅尼

（三遍）

南无喝囉怛那。哆囉夜哪。南无阿嚩哪。婆盧羯帝
烁鉢囉哪。菩提薩哆婆哪。摩訶薩哆婆哪。摩訶迦盧尼
迦哪。唵薩皤囉罰曳。數怛哪怛寫。南无悉吉栗埤。伊
蒙阿唎哪。婆盧吉帝室佛囉楞馱婆。南无那囉謹墀。醯
利摩訶皤哆沙咩。薩婆阿他豆輸朋。阿逝孕。薩婆薩哆
那摩婆薩哆。那摩婆伽摩罰特豆。怛姪他。唵。阿婆盧
醯。盧迦帝。迦囉帝。夷醯唎。摩訶菩提薩埤。薩婆薩
婆。摩囉摩囉。摩醯摩醯。唎馱孕。俱盧俱盧。羯蒙。
度盧度盧。罰闍哪帝。摩訶罰闍哪帝。陀囉陀囉。地唎
尼。室佛囉哪。遮囉遮囉。摩摩罰摩囉。穆帝嚩。伊醯
伊醯。室那室那。阿囉嚩。佛囉舍利。罰沙罰嚩。佛囉
舍耶。呼盧呼盧摩囉。呼盧呼盧醯利。娑囉娑囉。悉唎
悉唎。蘇嚧蘇嚧。菩提夜。菩提夜。菩馱夜菩馱夜。弥
帝唎夜。那囉謹墀。地利瑟尼那。婆夜摩那。娑婆訶。
悉陀夜娑婆訶。摩訶悉陀夜。娑婆訶。悉陀喻訶。室皤
囉耶。娑婆訶。哪囉謹墀娑婆訶。摩囉那囉娑婆訶。悉
囉僧。阿穆佉耶娑婆訶。娑婆摩訶阿悉陀夜。娑婆訶。

者吉啰阿悉陀夜娑婆诃。波陀摩羯悉哆夜。娑婆诃。那
啰谨墀幡伽啰哪。娑婆诃。摩婆利胜羯啰夜娑婆诃。南
无喝啰怛那。哆啰夜哪。南无阿唎哪。婆嚧吉帝。烁皤
啰夜。娑婆诃。唵悉殿都。漫哆啰跋陀耶。娑婆诃。

南无甘露王菩萨摩訶萨！（三称）

南无般若会上佛菩萨！（三称）

般若波啰蜜哆心经（三遍）

观自在菩萨，行深般若波啰蜜哆时，照见五蕴皆空，
度一切苦厄，舍利子，色不异空，空不异色，色即是空，
空即是色，受想行识，亦复如是，舍利子，是诸法空相，
不生不灭，不垢不净，不增不减，是故空中无色，无受
想行识，无眼耳鼻舌身意，无色声香味触法，无眼界，
乃至无意识界，无无明，亦无无明尽，乃至无老死，亦
无老死尽，无苦集灭道，无智亦无得，以无所得故，菩
提萨埵，依般若波啰蜜哆故，心无罣碍，无罣碍故。无
有恐怖，远离颠倒梦想，究竟涅槃。三世诸佛，依般若
波啰蜜哆故，得阿耨哆啰三藐三菩提，故知般若波啰蜜
哆，是大神咒，是大明咒，是无上咒，是无等等咒，能
除一切苦，真实不虚，故说般若波啰蜜哆咒，即说咒曰，
揭谛揭谛 波啰揭谛 波啰僧揭谛 菩提萨婆诃。

拔一切业障根本得生净^{du}土陀罗尼（三遍）

南无阿弥多婆夜。哆他伽多夜。哆地夜他。阿弥利都婆毗，阿弥利哆，悉耽婆毗。阿弥唎哆，毗迦兰帝。阿弥唎哆。毗迦兰多。伽弥膩，伽伽哪。枳多迦利，娑婆诃。

般若无尽藏真言

纳谟薄伽伐帝。钵唎若。波罗蜜多曳。怛姪他。唵。訖唎。地唎。室唎。戍嚕知。三密栗知。佛社曳。莎诃。

金刚心真言

唵。乌伦尼娑婆诃。

补阙真言

南谟喝啰怛那，哆啰夜耶。佉啰佉啰。俱住俱住。摩啰摩啰。虎啰，吽。贺贺，苏怛拏，吽。泼抹拏，娑婆诃。

补阙圆满真言

唵，呼嚧呼嚧，社曳穆契娑诃。

普回向真言

唵。娑摩啰。娑摩啰。弭摩曩。萨缚诃。摩诃斫迦啰嚩吽。

金刚赞

断疑生信。绝相超宗。顿忘人法解真空。般若味重重。四句融通。福德叹无穷。

南无祇^{qí}园会上佛菩萨！（三称）

回向偈

愿以此功德，庄严佛净^{dù}土，
上报四^{zhòng}重恩，下济三涂苦。

若有见闻者，悉发菩提心，
尽此一报身，同生极乐国。

三皈依

自皈依佛，当愿众生，体解大道，发无上心；
自皈依法，当愿众生，深入经藏，智慧如海；
自皈依僧，当愿众生，统理大众，一切无碍。
和南圣众。



地藏莲社于 2020 年 12 月制作